



Broj: 13-11-4-10654/23

Datum: 16.02.2024. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo" br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinski načelnik d o n o s i

ODLUKU o poništenju postupka javne nabavke

I

Poništava se postupak javne nabavke usluga „Usluge pranja vozila i vulkanizerskih radova za službena vozila Općine Novo Sarajevo“.

II

Za izvršenje ove Odluke zadužuje se Služba za zajedničke poslove Općine Novo Sarajevo.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

IV

Ovom Odlukom stavlja se van snage Odluka o izboru najpovoljnijeg ponuđača broj: 13-11-4-10654/23 od 02.02.2024. godine.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-10654/23 od 11.12.2023. godine.

Procijenjena vrijednost javne nabavke sa PDV-om je: 6.000,00 KM (slovima: šest hiljada i 00/100 konvertibilnih maraka).

Obavještenje o javnoj nabavci broj: 935-1-2-244-3-307/23 od 29.12.2023. godine, te je poslano na objavu na Portal javnih nabavki u 11:08 sati.

Komisija za javne nabavke roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu jedine prispjele ponude, o čemu je sačinila Zapisnike, u kojima je utvrđeno sljedeće:

Iz Zapisnika sa otvaranja ponuda vidljivo je da su do dana 18.01.2024. godine, pristigle ponude sljedećih ponuđača:

Red. Br.	Naziv i sjedište ponuđača	Ukupna ponudena cijena sa PDV-om
1.	TAMEK-SON COMPANY d.o.o. Sarajevo	5.998,00 KM

Iz Zapisnika o pregledu i ocjeni ponuda Komisije za javne nabavke roba, radova i usluga je vidljivo da je Komisija za javne nabavke roba, radova i usluga izvršila pregled i ocjenu jedine prispjele ponude, te je konstatovala da je ponuda ponuđača TAMEK-SON COMPANY d.o.o. Sarajevo prihvatljiva jer

ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Komisija za javne nabavke roba, radova i usluga je izvršila analizu cijene ponude ponuđača TAMEK-SON COMPANY d.o.o. Sarajevo, te konstatovala da ista sadrže računsku grešku. U skladu sa odredbama člana 9.4.1. tenderske dokumentacije ponuđaču TAMEK-SON COMPANY d.o.o. Sarajevo je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Odlukom o izboru najpovoljnijeg ponuđača broj: 13-11-4-10654/23 od 02.02.2024. godine, ugovorni organ je izabranog ponuđača TAMEK-SON COMPANY d.o.o. Sarajevo obavezao da u roku od 5 (pet) dana od dana zaprimanja Odluke, dostavi originale ili ovjerene kopije dokaza traženih tačkom 7.1.3. stav (a) do (d) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Izabrani ponuđač TAMEK-SON COMPANY d.o.o. Sarajevo je dana 13.02.2024. godine na protokol Općine Novo Sarajevo, dostavio Obavijest unutar kojeg je dostavio sljedeće:

- *Uvjerenje nadležnog suda prema svom sjedištu kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, izdato od Općinskog suda u Sarajevo od dana 05.02.2024. godine.*

- *Uvjerenje Suda Bosne i Hercegovine kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, izdato od Suda Bosne i Hercegovine od dana 08.02.2024. godine.*

- *Uvjerenje izdato od strane nadležnih institucija kojim se potvrđuje da je ponuđač izmirio dospelje obaveze, a koje se odnose na doprinos za penzijsko-invalidsko i zdravstveno osiguranje, izdato od Porezne uprave Federacije BiH, Kantonalni porezni ured Sarajevo, Porezna ispostava Novo Sarajevo, od dana 02.02.2024. godine*

- *Uvjerenje izdato od strane nadležnih institucija kojim se potvrđuje da je ponuđač izmirio dospelje obaveze u vezi plaćanja direktnih i indirektnih poreza, izdato od Uprave za indirektno-neizravno oporezivanje BiH, od dana 02.02.2024. godine.*

Iz dostavljenog je vidljivo su zahtijevani dokumenti dostavljeni nakon isteka roka propisanog članom III Odluke o izboru najpovoljnijeg ponuđača broj: 13-11-4-10654/23 od 02.02.2024. godine.

Unutar dostavljene dokumentacije ponuđač je propustio da dostavi dokument zahtjevan tačkom 7.1.3 c) Uvjerenje nadležnog suda ili organa uprave kod koje je registrovan ponuđač, kojim se potvrđuje da nije pod stečajem, niti predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, tenderske dokumentacije.

Također iz naprijed navedenog je vidljivo da je ponuđač je dostavio Uvjerenje Suda Bosne i Hercegovine kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, a koje je izdato nakon isteka roka za dostavu dopune dokumentacije po Izjavi iz člana 45. Zakona o javnim nabavkama BiH.

U skladu sa navedenim konstatujemo da je izabrani ponuđač TAMEK-SON COMPANY d.o.o. Sarajevo u ostavljenom roku propustio da dostavi traženu dopunu dokumentacije.

Komisija za javnu nabavku roba, radova i usluga, jednoglasno je predložila Općinskom načelniku da u skladu sa odredbama člana 69. stav (2) tačka d), a u vezi sa članom 68. stav (1) Zakona o javnim nabavkama donese Odluku o poništenju postupka javne nabavke usluga „Usluge pranja vozila i vulkanizerskih radova za službena vozila Općine Novo Sarajevo“, jer nijedna od zaprimljenih ponuda nije prihvatljiva.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka donesena u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d), a u vezi sa članom 68. stav (1) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.


Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

OPĆINSKI NAČELNIK

Dr. Hasan Tanović



DOSTAVLJENO:

1. TAMEK-SON COMPANY d.o.o. Sarajevo
2. a/a

